



Broj: 06-1-07-1-5/17
Sarajevo, 12.01.2017. godine

Na osnovu člana 2.9 stav (1) tačka 17, a u vezi sa članom 2.12 stav (5) i članom 2.15 stav (2) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), a postupajući u predmetu imenovanja zamjenskog predsjednika i članova Općinske izborne komisije Stolac, Centralna izborna komisija Bosne i Hercegovine je na 1. sjednici, održanoj 12.01.2017. godine, donijela

R J E Š E N J E

Do potvrđivanja rezultata Ponovnih izbora 2017. godine za osnovnu izbornu jedinicu Stolac, na dužnost zamjenskog predsjednika i članova Općinske izborne komisije Stolac, imenuju se:

- 1. Jozo Matić, zamjenski predsjednik**
- 2. Rifat Zlomužica, zamjenski član**
- 3. Predrag Šupljeglav, zamjenski član**

O b r a z l o ž e n j e

Pravosnažnim i konačnim odlukama Centralne izborne komisije Bosne i Hercegovine broj: 05-1-07-5-1125/16, broj: 05-1-07-5-1126/16 i broj: 05-1-07-5-1127/16 od 24.11.2016. godine, Avdo Jaganjac, Ivan Perić i Meliha Kapor razriješeni su dužnosti u članstvu Općinske izborne komisije Stolac.

Centralna izborna komisija Bosne i Hercegovine je na 1. sjednici, održanoj 12.01.2017. godine, donijela Odluku o poništenju izbora u osnovnoj izbornoj jedinici Stolac, u skladu sa članom 2.10 Izbornog zakona Bosne i Hercegovine, te će po pravosnažnosti ove odluke Centralna izborna komisija Bosne i Hercegovine, u skladu sa članom 14.1 Izbornog zakona BiH, donijeti Odluku o ponovnim izborima u osnovnoj izbornoj jedinici Stolac.

Imajući u vidu naprijed navedeno i činjenicu da Općinsko vijeće Stolac djeluje u tehničkom mandatu i nije moguće provesti proceduru imenovanja članova Općinske izborne komisije Stolac u skladu sa članom 2.12 stav (5) Izbornog zakona BiH, Centralna izborna komisija BiH je u skladu sa članom 2.15 stav (2) Izbornog zakona BiH, u cilju obezbjeđenja uvjeta iz člana 2.14 stav (1) Izbornog zakona BiH, koji se odnose na nacionalnu i polnu strukturu članova izbornih komisija i sačinjavanja liste kandidata koji ispunjavaju uvjete za imenovanje u članstvo izborne komisije u skladu sa odredbama Izbornog zakona BiH i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", br. 6/16 i 13/16)(u daljem tekstu: Uputstvo), obavila razgovor sa: predsjednicom i sudijama Općinskog suda u Čapljini,

Općinskim pravobraniocem u Stocu, prethodnim članovima Općinske izborne komisije Stolac, članovima Udruženja izbornih zvaničnika BiH sa područja općine Stolac, članovima općinskih izbornih komisija Jablanica i Konjic i Gradske izborne komisije Mostar iz reda bošnjačkog i srpskog naroda i certifikovanim trenerima za obuku članova biračkih odbora u okviru projekta Vijeća Evrope i Centralne izborne komisije BiH. Na osnovu iskazane zainteresovanosti navedenih lica formirana je lista kandidata koji ispunjavaju uvjete za imenovanje na dužnost zamjenskog predsjednika i članova Općinske izborne komisije Stolac. Na navedenoj listi se ne nalazi niti jedna kandidatkinja, te Centralna izborna komisija BiH prilikom imenovanja nije mogla ispoštovati odredbu člana 2.14 stav (1) Izbornog zakona BiH, koja se odnosi na polnu strukturu članova izborne komisije.

Centralna izborna komisija BiH je na osnovu člana 2.9 stav (1) tačka 17 i člana 2.15 stav (2) Izbornog zakona BiH sa navedene liste kandidata imenovala: Jozu Matića, Rifata Zlomužicu i Predraga Šupljeglava, jer ispunjavaju uvjete za imenovanje na dužnost zamjenskog predsjednika i članova Općinske izborne komisije Stolac u skladu sa odredbama Izbornog zakona BiH i Uputstva.

Pravna pouka: Protiv ovog rješenja dozvoljena je žalba. Žalba se podnosi Apelacionom odjelu Suda BiH u roku od dva dana od dana prijema ovog rješenja preko Centralne izborne komisije BiH u skladu sa članom 6.9 stav (1) i (2) Izbornog zakona BiH.

Dostavljeno:

- Općinsko vijeće Stolac,
- Općinska izborna komisija Stolac,
- a/a



Predsjednica

Dr. Irena Hadžiabdić